

www.BibleForChildren.org

Matewos 26



Ayhudni
faasikani heeboos
zagtonak issun
wona fu'tefana kabaasik
Yesus kitun kabgina Alazar
feefena Bitaniya hami. Es
kabaasik Maarami akama
chima waagak waagte
kayma naardosik wosuste
isa buttulle shitto ephpha Yesusni
wochoosta wuukaat sombaasik dey
wochobaason ku'i. Keyaas dey naardosini
shittoni sawak tuumi.



Asire heppe nawoosasin isa Askorotki Yuuda Yesusnin
aatire imak maagni gaanynye meyaki hami. Baasso
dey es baron odeseteyse girsete.
Waaga dey imonek abdi imete.
Es bari boor'a Yuuda dey
Yesusnin aatire
imana ugna sholet feer.




Nawobaasakito dey Yesus
ajajenaasimato zagsete. Faasikani
heeboosi meeta'unon dey
hoossisete. Meesefeen Yesus
tushaason ephphe galattefaat batte
nawobaasakitonik: «Esewa, muutiwa;
haniis ashnaaswa» yi. Toofoonon dey
ephphe galattefaat: «Zuuttamniise
han toofoonon ushtiwa.

Haniis showo
asuni meeni
boor'aas feeshun
ustonak wuuktoni
gaddo teyyaasi
harinnaaswa.»



Tusire dey Yesus ekka yi: «Simonno! Simonno! Sexana nittotin zago si'anne si'anak mamsiwa. Sinuntano amantonees tishunoynamato neekwa iyaat Ha'o shiiphen. Ne taaki wolifa ta kabaasik ayneesakitoni chinuwa.» Simon wolgire: «Daamiiso, ta taatoni keer giruk, kituk neneen ane hooreratu fawungwa» yi.

Sinuntano Yesus:
«phexiros Hash hawung ako oorunoyfeen keeza wolla taan mormotawa» yi.



Estan Yesus
nawobaasakitoneen
Getesemani yistefa
dimaasta hami. Estak
nawobaasakitonin: «Ta
ek hamma shiiphonar
sinna boor'a nitto hanta
footiwa» yi. Ekka dey yi:
«Aabba abataaso! Zuuttera
neek chimterwa. Han
ephphatoonak fa shanaason
tayistan woku. Sinuntano ta
sholena bar sinnoynamato ne
sholeta bar sinunwa» yi.



Es bari boor'a Yuuda showo meya taar'oni meeni zuuttoneen dey maagni gaanynye meyakinnawa Ferisawini meyakinna wostere yeese oodfe baasso ha'sinyanyi meyanonna zoonsire esta hami. Baasso dey faanosi, tonanewa neeboni meene ephaat feeseter. Baassossin isaas maagni gaanynye meeni gaanynyani wostinyaasa hoi'ta odonon kace. Sinuntano Yesus: «Beywa! Hepsa effatena wuza zagutaatawa» iyaat asusa odonon ta'ire fati.



Estan Yesusnin epha asuni meya Maagni gaanynye meeni gaanynyaasa ojni keerkalo taamete. Phexiros dey woksok barneen ane hamdifer. Asuni meya Maagiisa ojni keerkalo geya sookere isarik diifaat besisedifer. Phexiros dey baasso ganeyaassi geeni besuk di.





Phexiros odobaason
kacena basa koon sina
maagni gaanynye
meeni gaanynyaasa
wostinynyaasasin isaas:
«Atakiltini dimaassi
Yesusneen ane feen aane
biyutoso?» yi. Phexiros dey
hepsa wolle morme; es
kabaasik geregere ako oori. Ek
gerakalo kesse akamanon
suumere waasi.



Esta fe asuni meya zuuttesere kabi
Yesusnin ephere Pilatosniki taamete.
Pilatos: «Ne Ayhudni taatonoso?»
yire mamsi. Yesus dey: «Ne
yitaasimatowa» yire
wolgi. Pilatos Yesusnin
kotanak sholefaat hepsa
daraasin mamsi.
Sinuntano daraas: «Suutwa!
Suutwa!» yit chaagete.




Es kabaasik Pilatos Yesusnin
suuttonak aatire imi. Baasso dey
Yesusnin ephphe hamete.
Yesus mesqeliison wor'e:
«Teetni mega» yistefa dimaasta
kesi. Es dimaas Ibrawini meeni
noonok: «Golgotatu» yistefa.



Esta taamme suutete. Barneen ane
oom hep asunin; isaasin aldaasta;
isaasin hoi'taasta; Yesusnin
ganeyaassi zagire suutete.



Awaas talme; betemeqdesiisi yinu heppik karate. Yesus akama tega kaamak chaagge: «Abataaso! Kaanaason ne kushuussi adarak imingwa» yi. Es kabaasik geregere kaabaas kesi.



Gerok waalfana kabaasik Armatiyaski
Yosef yiste asu ye. Yosef shoonggo
keysefe baassossin isaas dey
ulfinto asu. Bar dey Ha'oosi
taatonon abdik oodet feer.

Wonaas beysani
wonaastan zeemma
fa hoossuni wona
sinna boor'a
digonoy

Pilatosniki girire
Yesusni dugnooson
imanak mamsi.



Yosef dey kinoni maama waagere
mesqelistan dugnooson kessire
kimme katera hoore shu'ni
moogsi kabbare. Estan
inya shu'a bukalsire
moogaasi noononon
uki.



Wonotirik beysani wonaasi hooroneen
orfo maagni gaanynye meenawa
Ferisawini meena isarik
Pilatosniki hamere ekka
yisete: «Daamiiso! Han
eshinynyaas zeemo
kaak feena kabaasik:
«Keezsinari wono
kitun kabunarwa»
yina bar



nibniista kejiwa.»



«Baasso dey hamere moogaasi
noononon shu'ak kulfaat
tukbaasta maatamak
ichche oodni asunin
oodsisete.»



Beysani wonaas aatnanneen orfo
torbaniisi tesuni wono wonsa
she'u feteetifana kabaasik
Megdelawitki Maaraminewa
ooma Maaramine
moogaason biyak
hamete. Daamiisa
wosiya den saman
kerena boor'a

akama daani
shorko sini.



Bar dey tai'sera moogaas uktera
kunna shu'aason bukalsaat
barista di. Tasoni meya dey
Daamiisa wosiyanon digak
korkit kitune feer sinete.




Sinuntano Daamiisa wosiya mashka meyak: «Nitto digotiitawe, suutte Yesusnin sholefetimato aringwe. Bar hantak aafe, makenaasimato kitun kabi. Kunna dimaason hani yaasefaat biyotiwe.»



Estan digaknawa akama girakna
taptesere moogaasi teshan nawoni
meyak makok eelesete. Yesus
uguntak baassok uphere:
«Naga nittok sinfawungwe» yi.
Baasso dey barki tai'sesere
wochobaason
ephphe sagadesete.





Esseen orfo dey asire issees muu meesefeen Yesus baassok bestere: «Yesus kitun kabire kaak fe; inno dey aafniisik biini» yisere makse baassotin amano beyobesiisiknawa nibbesiisi chimakna baassotin ke'i. Daam Yesus es baron nawoni meyak makenanneen orfo den sama hami. Ha'oosi hoi'ta teshta di.



Barik amanefe bar zuuttambaase
koi'ba foonto kaa dananaktano
tishunoynamato Ha'oos isa nawuba
bar barin aatira imma han daason
baak keeshtewa.



Roome 3:23 Asuni meya zuuttere boor'a wostesete;
Ha'oosi ulfina dey baassostan yo'i.

Roome 6:23 Boor'aasi wostosin bestoni waagaas kituwa.
Sinuntano Ha'ooskin imtoni imaas Daamni Kiristoos
Yesusniki kamo koi'ba foonto kaawa.

Ibrawiyan 9:27 Asunik isarga kituus imtera faar; kituneen
orfo dey mangsu basaasta katonak tai'nir.

Efeson 2:8,9 Nitto farisetiis amantooski kamo Ha'oosi
otmakwa. Es bar dey Ha'oni imatano nitto wostoosik
bestertawa. Oonu teetonoynamato faruni otmaas
bestenaas wostoktawa.



Roome 10:9,10 Yesus Daam sinbaason noononeesik zaala
makefaatanenawa Ha'oos barin kitun kabginamato
nibneessi amanefaatanena farutawa. Asu nibbaassi
amanere ooko sinana; noonobaasik dey
zaala makere faruna.

Yohannis 3:16,17 Barik amanefe bar zuuttambaase koi'ba
foonto kaa dananaktano tishunoynamato Ha'oos isa
nawuba bar barin aatira imma han daason baak
keeshtewa. Ha'o isa naabaasin han daasta wosinaas
daasta mangsuni kar'ak sinnoynamato han daason barki
kamo fu'okwa.



1 Yohannis 5:11-13 Es zaalaas Ha'oos koi'ba foonto kaa innok innamatonawa es kaas dey nawubaasasi faanamatonatu makefa. Ha'oni Naa basaassi feena bar kaaba faar. Sinuntano Ha'oni Naa basaassi foontoos kaaba aafa. Ha'oosi Naani sunak amanefe nitto zuuttamniise koi'ba foonto kaanti faar sinnamato arso tik han baron zuutira nittok tichifawungwa.



Matewos 26-28; Luqas 22-24; Yohannis 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Yemsa NT (jnj) The Word for the World Northern Africa

<https://www.bible.com/bible/4132/MAT.1.YEMSANTL>

©2026 Bible for Children, Inc.

www.M1914.org

www.bibleforchildren.org

